

Bosna i Hercegovina
Federacija Bosne i Hercegovine
Tuzlanski kanton
GRAD GRAČANICA

Predlagač: Gradonačelnik

Razmatra: Gradsko vijeće

Obrađivač: Služba za prostorno uređenje,
geodetske i imovinsko-pravne
poslove

INFORMACIJA
o stanju putne infrastrukture na
području grada Gračanica

Gračanica, juni 2022. godine

U V O D

Cesta je svaka površina na kojoj se obavlja saobraćaj i dijele se na **javne** i **nerazvrstane**. Prema novom Zakonu o cestama Federacije Bosne i Hercegovine (Službene novine FBiH broj: 12/10) javne ceste u zavisnosti od njihovog društvenog, privrednog i teritorijalnog značaja razvrstavaju se u:

- AC - autoceste,
- BC - brze ceste,
- MC - magistralne ceste,
- RC - regionalne ceste,
- LC - lokalne ceste i
- saobraćajnice u naseljima.

Autoceste su javne ceste koje služe povezivanju velikih gradova i značajnih ekonomskih područja države ili regije, namijenjene su uglavnom daljinskom saobraćaju, te se uključuju u sistem evropskih autocesta.

Brze ceste su javne ceste koje svojim saobraćajno-tehničkim elementima omogućavaju brzo odvijanje daljinskog saobraćaja između najvažnijih središta države, entiteta i područja, a povezane su sa autocestama i sistemima autocesta susjednih država.

Magistralne ceste su javne ceste i mogu biti:

- magistralne ceste prvog reda, a namijenjene su povezivanju većih gradova i značajnih ekonomskih područja države ili entiteta, svojim saobraćajno-tehničkim elementima omogućavaju brzo odvijanje saobraćaja, povezane su sa cestama iste ili više kategorije u zemlji te sa sistemima cesta u susjednim državama,
- magistralne ceste drugog reda, a namijenjene su za povezivanje regionalnih središta, kao i za povezivanje saobraćaja na ceste jednake ili više kategorije

Regionalne ceste su javne ceste i mogu biti:

- regionalne ceste prvog reda, a namijenjene su za saobraćajno povezivanje ekonomskih područja države ili entiteta, značajnih središta lokalnih zajednica, kao i za saobraćajno povezivanje sa cestama iste ili više kategorije,
- regionalne ceste drugog reda, a namijenjene su za saobraćajno povezivanje središta lokalnih zajednica u okviru određenog entiteta, za povezivanje turističkih (turističke ceste) i graničnih područja značajnih za državu, te za povezivanje graničnih prijelaza sa cestama iste ili više kategorije kada po propisanim kriterijima kategorizacije ne dostigne višu kategoriju.

Lokalne ceste su javne ceste koje povezuju naselja u općini sa naseljima iz susjednih općina, ili povezuju važnija naselja unutar općine, te povezuju saobraćaj na druge javne ceste iste ili više kategorije.

Novim Zakonom se uvodi i pojam **Javne staze**, a to su saobraćajnice namijenjene za povezivanje naselja ili dijelova naselja u okviru općine, a ne ispunjavaju propisane kriterije za lokalne ceste, ili su predviđene samo za određenu vrstu učesnika u saobraćaju (ceste i staze u stambenim zonama, seoske ceste i staze, pješačke staze, biciklističke staze, konjske staze i slično).

U naseljima u kojima je uveden sistem ulica saobraćajnice se mogu podijeliti na potkategorije:

- glavne gradske ceste predstavljaju nastavak cesta kroz gradove, a namijenjene su za saobraćajno povezivanje gradskih područja i četvrti u skladu sa propisima o sigurnosti cestovnog saobraćaja. Na ovim cestama, ako to uvjeti odvijanja saobraćaja dozvoljavaju, može se regulirati saobraćajnom signalizacijom i veća brzina kretanja od općeg ograničenja brzine u naselju;
- sabirne gradske ceste ili sabirne lokalne ceste predviđene su za prikupljanje i povezivanje saobraćajnih tokova iz pojedinih područja ili gradskih četvrti, kao i za povezivanje gradskih četvrti i dijelova naselja sa cestama više kategorije;

- lokalne gradske ceste predstavljaju nastavak cesta više kategorije, predviđene su za pristup zatvorenim prostornim jedinicama (stambeni blokovi ili individualni stambeni objekti, industrijske zone, centri za kupovinu i rekreaciju itd.) u pojedinim urbanim područjima ili četvrtima, kao i u dijelovima naselja.

Nerazvrstana cesta je površina koja se koristi za saobraćaj po bilo kojoj osnovi i koja je pristupačna većem broju korisnika.

Upravljanja javnim cestama organizovano je na sljedeći način:

- upravljanje, građenje, rekonstrukciju, održavanje i zaštitu autocesta i brzih cesta vrše Autoceste FBiH,
- upravljanje, građenje, rekonstrukciju, održavanje i zaštitu magistralnih cesta vrše Ceste FBiH,
- upravljanje, građenje, rekonstrukciju, održavanje i zaštitu regionalnih cesta vrše javne kantonalne ustanove za ceste,
- upravljanje, građenje, rekonstrukciju, održavanje i zaštitu lokalnih cesta i gradskih ulica vrše nadležni općinski ili gradski organi i
- izgradnja, korištenje, održavanje, zaštita i rekonstrukcija nerazvrstanih cesta kao i poslovi nadzora na tim cestama uređuju se gradskim ili općinskim propisom u skladu sa Zakonom o cestama FBiH.

INFORMACIJA O STANJU PUTNE INFRASTRUKTURE NA PODRUČJU GRADA GRAČANICA

Pošto se do 15.03.2018. godine nisu stekli uslovi da se otpočne sa primjenom Odluke o kategorizaciji cesta u autoceste i brze ceste, magistralne ceste i regionalne ceste (Službene novine FBiH, broj 24/14), Vlada Federacije Bosne i Hercegovine je na 108. hitnoj sjednici, održanoj 21.03.2018. godine, donijela Odluku o prestanku važenja Odluke o razvrstavanju cesta u autoceste, brze ceste, magistralne i regionalne ceste ("Službene novine Federacije BiH", broj 24/18). Na istoj sjednici Vlada Federacije BiH donijela je i Zaključak kojim se zadužuju nositelji pripreme Odluke o razvrstavanju cesta u autoceste, brze ceste, magistralne i regionalne ceste da obave dodatne konsultacije i pribave potrebna mišljenja i saglasnosti, te da usaglašeni tekst Prijedloga odluke predlože Vladi Federacije Bosne i Hercegovine. Do današnjeg dana stanje po ovom pitanju se nije promijenilo, osim što je Vlada Federacije BiH na svojoj 222. sjednici održanoj 12. maja 2020. godine donijela Odluku o prekategoriizaciji lokalnih u regionalne ceste na području Tuzlanskog kantona među kojima je i lokalna cesta Klokočnica-Lukavica-Kapetani koja je prekategoriisana u regionalnu cestu s oznakom R-465b i jednim dijelom ova regionalna cesta se nalazi na području grada Gračanica (3,37 km)

Prema Odluci o kategorizaciji lokalnih cesta i ulica u gradu Tuzla i općinama Tuzlanskog kantona (Službene novine TK, broj 14/14), a imajući u vidu gore navedeno, cestovnu mrežu na području grada Gračanica čine sljedeće ceste:

1. Dionica magistralne ceste M-4, dužine 19,35 km, od Stjepan Polja do Miričine;
2. Dionice četiri regionalne ceste:
 - a) dionica regionalne ceste R-460, dužine 18,40 km, od Gračanice (M-4) do kraja područja grada prema Srnicama;
 - b) dionica regionalne ceste R-461, dužine 3,00 km, od Bukve (R-460) do kraja područja grada prema Sladnoj;
 - c) dionica regionalne ceste R-461a, dužine 8,20 km, od Donje Orahovice (M-4) preko Gornje Orahovice do kraja područja grada prema Srebreniku;
 - d) dionica regionalne ceste R-465b, dužine 3,37 km, od granice grada prema Klokočnici do granice grada prema Lukavici Rijeci;
3. Mreža lokalnih cesta koju čine 40 cesta ukupne dužine 134,87 km;
4. Mreža ulica u MZ Gračanica koju čini 109 ulica ukupne dužine 42,15 km.

5. Cesta koja je po Odluci o kategorizaciji cesta u autoceste i brze ceste, magistralne ceste i regionalne ceste bila kategorizirana kao regionalna cesta II reda
 a) od Gračanice (R-460) preko Malešića i Lukavice do novokategorizirane regionalne ceste R-465b, dužine 17,48 km;

Pored gore navedenih cesta na području grada Gračanica postoji veliki broj cesta koje nisu kategorizirane kao magistralne, regionalne ili lokalne ceste te stoga i nisu tretirane ovom Informacijom. Ipak treba naglasiti da najveći procenat saniranih (asfaltiranih) cesta tokom prošle godine otpada upravo na te ceste.

Tabela 1: Stanje magistralnih i regionalnih cesta na području grada Gračanica

Oznaka ceste	Naziv ceste opis trase (od - do)	Asfalt (km)	Makadam (km)	Ukupno (km)	Stanje ceste
M-4	Magistralna cesta (od Stjepan Polja do Miričine)	19,35	0,00	19,35	U ljeto 2009. godine urađena je rehabilitacija kolovoza, ali je cesta već prilično oštećena ("mreža", kolotrazi i udarne rupe koje se povremeno saniraju). Horizontalna i vertikalna signalizacija uredno je postavljena. Kroz MZ Miričina urađena je rehabilitacija postojećeg kolovoza (cca 1.750 m) i urađeni su novi rigoli (2020. godina).
SVEGA Magistralna cesta:		19,35	0,00	19,35	
R-460	Regionalna cesta (Od M-4 preko Gračanice, Bukve i Doborovaca prema Srnicama do granice područja grada)	18,40	0,00	18,40	Od početka pa do izlaza iz Gračanice u Pašalićima cesta je sa dobrim kolovozom. Od Pašalića pa do Bukve je stariji asfalt i ima puno saniranih oštećenja i nesaniranih oštećenja u vidu "mreže". Dalje poslije Bukve cesta je u prilično dobrom stanju. Ima više saniranih klizišta, a ima i oštećenja u vidu "mreže" i nesaniranih oštećenja ceste usljed slijeganja trupa puta. Cesta se dobro održava i puna je saniranih oštećenja - "zakrpa". Poslije Doborovaca do granice područja grada cesta je mjestimično u veoma lošem stanju.
R-461	Regionalne cesta (Od R-460 na Bukvi prema Srebreniku do granice područja grada)	3,00	0,00	3,00	Cesta je u odličnom stanju, sa dobrom horizontalnom i vertikalnom saobraćajnom signalizacijom.

R-461a	Regionalne cesta (Od spoja sa M-4 u Donjoj Orahovici preko Gornje Orahovice do granice područja grada prema Srebreniku)	8,20	0,00	8,20	Do stacionaže 2,70 km cesta je nova i nema oštećenja. Od 2,70 do 3,60 km cesta je sa starim prijeratnim asfaltom u prilično lošem stanju. Od stacionaže 3,60 do 5,25 km je cesta sa novijim asfaltnim kolovoznim zastorom, urađena po projektu. U nastavku do kraja cesta je sa starijim kolovoznim zastorom ali dobro održavana jer nije vršena samo "krpaža" oštećenja već su sanirane veće površine ceste (i po 200 do 300 m puta asfaltirano). Na stacionaži 6,80 km nalazi se sanirano veće oštećenje kolovoza izazvano klizištem, ali se na jednom kraju klizište reaktiviralo pa je cesta ponovo oštećena.
R-465b	Regionalne cesta (Od granice područja grada prema Klokotnici do granice područja grada prema Lukavici Rijeci)	3,37	0,00	3,37	Cesta je u dobrom stanju (ima manjih oštećenja u vidu "mreže").
SVEGA Regionalna cesta:		32,97	0,00	32,97	

Tabela 2: Stanje lokalnih cesta

Oznaka ceste	Naziv ceste opis trase (od - do)	Asfalt (km)	Makadam (km)	Ukupno (km)	Stanje ceste
L 035001	Lukavica (Regionalna cesta R 353) - Delići	2,40	0,76	3,16	Asfaltirani dio ceste je uglavnom u lošem stanju sa puno oštećenja, a ima i kraćih dionica čiji je kolovoz u dobrom stanju. Makadamski dio je u ravnim dijelovima u prilično dobrom stanju dok je na nizbrdicama u lošem stanju (površinske vode isprale posipni materijal).
L 035002	Lukavica (Regionalna cesta R 353) - Donji Skipovac (do granice područja grada)	3,18	0,00	3,18	Asfaltirana cesta cijelom dužinom u prilično lošem stanju, sa puno većih oštećenja uzrokovanih djelovanjem klizišta i oštećenja u vidu "mreže".
L 035003	Stjepan Polje (Lokalna cesta L 035004) - Mustafići - Dedići - Džebe	3,04	0,00	3,04	Cesta u dobrom stanju. Na stacionaži 1,10 km sanirano oštećenje ceste usljed klizišta i ponovo je došlo do slijeganja. Na stac. 1,90 km je manje oštećenja usljed djelovanja klizišta a na stac 2,00 km sanirano je oštećenje.
L 035004	Stjepan Polje (Magistralna cesta M 112) - Malešići (Regionalna cesta R 353)	6,02	0,00	6,02	Cesta cijelom dužinom sa asfaltnim kolovoznim zastorom u dobrom stanju. Na kraju ceste sanirano je oštećenje izazvano klizištem (2020. godine).

L 035005	Grabovac (Magistralna cesta M 112) - Lendići (Regionalna cesta R 353)	0,70	2,87	3,57	Prvih 1,7 km je makadam, posut posipnim materijalom, ali na usponima posipini materijal je "išlajdran" tako da je kolovoz neravan i vožnja uzbrdo je otežana. Ostatak makadama je slabo održavan, na usponima posipni materijal su isprale oborinske vode a u ravnim dijelovima kolovoz je sa puno udarnih rupa. Asfaltirani dio ceste je u dobrom stanju, osim na jednom mjestu (stac 3,25 km) gdje je klizište oštetilo kolovoz.
L 035006	Malešići (Kalesije, Regionalna cesta R 353) - Babići (Lokalna cesta L 35009)	1,65	0,59	2,24	Asfaltirani dio ceste je u dobrom stanju. Prva dionica makadamskog dijela ceste je u lošem, a druga je u boljem stanju.
L 035007	Malešići (Hodžići, Regionalna cesta R 353) - Babići (Lokalna cesta L 35009)	1,37	0,00	1,37	Prvih 290 m je asfalt iz 2019. godine a ostatak je asfaltiran 2020. godine.
L 035008	Gračanica (Regionalna cesta R 353) - Babići - Babići (Lokalna cesta L 035009)	3,30	0,00	3,30	Prvih 600 m je stariji asfalt sa puno oštećenja, uglavnom u vidu mreže (ima jedno veće oštećenje na 0,50 km). Ostatak ceste je sa novijim asfaltnim zastorom sa jednim oštećenjem na stacionaži 2,70 km.
L 035009	Pašalići (Magistralna cesta M 210) - Babići - Vis - Gornji Skipovac (do granice područja grada)	6,55	5,64	12,19	Do skretanja za Babiće asfalt je u dobrom stanju, a ima i nekoliko oštećenja u vidu slijeganja terena (stacionaža 1,90 km, 2,20 km, 2,40 km i na 2,70 km). Od skretanja za Babiće do odvajanja za Vis izmjenjuju se dionice sa lošijim i boljim asfaltnim zastorom, ima puno oštećenja u vidu "mreže", izlomljenog asfalta itd. Ostatak asfalta do izletišta Vis je u dobrom stanju. Dionica sa makadamom od Visa prema Skipovcu pregledana je do stacionaže 8,30 km i u lošem je stanju, a dalje je put neprohodan (makadam).
L 035010	Babići (Zvijezda, Lokalna cesta L 035009) - Škahovica - Magistralna cesta M 210	5,36	0,80	6,16	Asfalt je uglavnom u dobrom stanju, ima manjih oštećenja u vidu "mreže". Na 5 mjesta asfalt oštećen zbog klizišta. Od stacionaže 1,10 km je stariji asfalt u lošijem stanju do stacionaže 1,40 km kada počinje nov asfalt i na njega se nastavlja makadamski dio puta. 2018. g. od stacionaže 2,71 km do stacionaže 3,10 km, izvršeno proširivanje puta za 1,0 m. Dionica sa makadamom je u lošem stanju, ne održava se dobro.

L 035011	Pašalići (Magistralna cesta M 210) - Piskavica - Plane (Magistralna cesta M 210)	2,69	0,45	3,14	Prvih 2,40 km je asfalt u dobrom stanju (na tri mjesta oštećenje usljed klizišta, stacionaža 1,10 km, 1,25 km i 1,80 km). Zatim slijedi dionica sa makadamom u lošem stanju (oborinske vode isprale posipni materijal). Posljednja dionica je asfalt u dobrom stanju, ima jedno manje oštećenje na stacionaži 3,0 km.
L 035012	Gračanica (Magistralna cesta M 210) - Drafnići - Žuže - Vranovići - Nasići Gornji - Magistralna cesta M 210	7,67	1,44	9,11	Do stacionaže 3,80 km je asfalt u dobrom stanju sa dva veća oštećenja (klizište), a ostatak ima manjih oštećenja. Makadamski dio ceste od Žuža do Karića uglavnom je u lošem stanju, na usponima oborinske vode su isprale posipni materijal, a u ravnim dijelovima ima puno udarnih rupa. Asfaltni dio ceste kroz Vranoviće velikim dijelom je u lošem stanju sa puno manjih oštećenja u vidu "mreže" i većih oštećenja usljed djelovanja klizišta. Posljednjih 375 m puta je asfaltiran 2018. godine i u dobrom je stanju.
L 035013	Vranovići (Karići, Lokalna cesta L 035012) - Bukva (Magistralna cesta M 210)	2,12	0,00	2,12	Asfalt u dobrom stanju, mjestimično ima oštećenja u vidu "mreže". Na stacionaži 0,05 ; 0,25 i 0,5 km cesta oštećena klizištem. Ima i više oštećenja kolovoza po rubovima (pukototine vjerojatno usljed djelovanja klizišta).
L 035014	Plane (Magistralna cesta M 210) - Soko Centar	1,32	0,00	1,32	Cesta u dobrom stanju. Na stacionaži 0,40 km (prije propusta) oštećenje usljed slijeganja terena. Od stacionaže 1,15 km stariji asfalt u lošijem stanju sa oštećenjima u vidu "mreže".
L 035015	Bijela Kapija (Magistralna cesta M 210) - Oštrikovac	2,69	0,00	2,69	Prvih 950 m cesta je u dobrom stanju, a onda do stacionaže 1,50 km je novi asfalt urađen 2020. godine. Do kraja cesta je u dobrom stanju sa manji oštećenjima, a na samom kraju je dionica sa novijim asfaltom.

L 035016	Dobrovci Gornji (Magistralna cesta M 210) - Serhatlije - Prijeko Brdo - Trnovci - Džakule (Lokalna cesta L 035020)	7,56	0,00	7,56	Prvi kilometar ceste je nov asfalt sa nekoliko oštećenja u vidu mreže. Zatim slijedi dionica (500 m) kroz Serhatlije gdje je vršeno proširenja kolovoza. Dalje do kraja ceste je asfalt. Prvih 500 m je noviji asfalt (sa jednim oštećenjem usljed klizišta na stacionaži 1,90 km), ostatak do škole u Prijekom Brdu je asfalt star nekoliko godina u dobrom stanju (ima nekoliko oštećenja). Od škole prema Trnovcima urađeno je oko 500 m novog asfalta, a ostatak puta do mosta u Trnovcima je sa lošim asfaltom sa puno oštećenja koje su, uglavnom, izazvale poplave iz 2014. godine. Od mosta u Trnovcima do kraja cesta je u dobrom stanju uz manje oštećenja. Na nekoliko mjesta rijeka je odnijela bankinu.
L 035017	Prijeko Brdo (Lokalna cesta L 035016) - Jahići	1,83	0,00	1,83	Cesta u dobrom stanju osim u dijelovima gdje je oštećena klizištima, naročito na nekoliko mjesta od stacionaže 1,35 km.
L 035018	Trnovci (Lokalna cesta L 035016) - Gornja Međida (do granice područja grada)	1,30	1,13	2,43	Asfaltirani dio ceste u dobrom stanju osim u dijelu gdje je oštećena klizištem (na pet mjesta). Makadamski dio ceste je prohodan ali u veoma lošem stanju. Od strane Gornje Međide cesta je asfaltirana do granice područja grada.
L 035019	Džakule (Lokalna cesta L 035020) - Rijeka - Mahala - Džakule (Lokalna cesta L 035020)	1,20	1,05	2,25	Asfaltirani dio je u dobrom stanju, bilo je nekoliko oštećenja i ista su sanirana. Makadamski dio puta ima udarnih rupa, a na nizbrdici je teško prohodan jer je voda odnijela posipni materijal.
L 035020	Dobrovci (Magistralna cesta M 210) - Monj - Džakule (Lokalna cesta L 035016) - Biberovo Polje (do granice područja grada)	6,85	0,00	6,85	Prvih 2,20 km je asfalt u dobrom stanju osim na mjestima gdje je oštećen klizištem (na 6 mjesta). Od stacionaže 2,20 km do 3,15 km je serija manjih i većih klizišta i 2018. godine sanirana su oštećenja asfalta (sanirani dijelovi su prilično stabilni). Ostatak ceste je u dobrom stanju osim manjih oštećenja u vidu "mreže".
L 035021	Biberovo Polje (od granice općine) - Buk - Međida Donja (do granice područja grada)	0,85	0,29	1,14	Izmjenjuju se dionice makadama i asfalta. Asfalt je u dobrom stanju. Makadamske dionice imaju puno udarnih rupa.
L 035022	Dobrovci (Magistralna cesta M 210) - Pandurište (do granice područja grada)	1,06	0,00	1,06	Kompletna cesta je asfaltirana i u prvoj polovini sa lošijim, a u drugoj polovini sa boljima kolovoznim zastorom (stariji asfalt je na početku ceste jer je asfaltirano u fazama od centra prema izlazu iz područja grada)
L 035023	Gračanica (Magistralna cesta M 112) - Sočkovac (do mosta)	1,14	0,00	1,14	Asfaltirana cesta u dobrom stanju. Ima nekoliko manjih oštećenja (male udarne rupe).

L 035024	Pribava (Magistralna cesta M 112) - Seljanuša (UL 035077)	1,45	1,36	2,81	Prva plovina asfaltiranog dijela ceste je u dobrom stanju uz mala oštećenja u vidu "mreže". Druga polovina je puno lošija pa na stacionaži 0,80 km je prvo veće oštećenje, a onda od 1,10 do 1,35 je više oštećenja kolovoza usljed djelovanja klizišta. Ostatak ceste je od makadama, u lošem stanju sa puno udarnih rupa.
L 035025	Pribava (Lokalna cesta L 035024) - Donja Lohinja (Lokalna cesta L 035026)	2,02	0,47	2,49	Prvih 1,10 km je sa asfaltnim kolovoznim zastorom u dobrom stanju Makadam je u veoma lošem stanju, blatnjav sa puno udarnih rupa. Kraj ceste je asfaltiran i u dobrom stanju sa dva oštećenja (slijeganje terena na stacionaži 1,90 i 2,00 km).
L 035026	Lohinja Donja (Magistralna cesta M 112) - Lohinja Gornja - Orahovica Gornja (Regionalna cesta R 355)	5,75	2,73	8,48	Prva 2,00 km je cesta sa starijim asfaltom i sa puno oštećenja, a zatim se nastavlja noviji asfaltni kolovozni zastor sa manjim oštećenjima, uglavnom u vidu "mreže". Od stacionaže 4,45 km počinje makadam, u početku dobar, a onda kako počinje uspon put je sve lošiji i teško je prohodan. Izlaskom na zaravan cesta ponovo postaje bolja. Posljednja dionica je sa asfaltnim kolovoznim zastorom, u dobrom stanju, uz manja oštećenja u vidu "mreže" i jednim većim oštećenjem na stacionaži 8,00 km.
L 035027	Lohinja Donja (Magistralna cesta M 112) - Kakmuž (do mosta)	0,50	0,47	0,97	Prvih 400 m je sa novim asfaltnim kolovoznim zastorom. Na ostatku ceste ima još cca 100 m starog prijeratnog asfalta. Makadamski dio ceste je dobro održavan i ima malo udarnih rupa.
L 035028	Orahovica Gornja (Regionalna cesta R 355) - Dobrnjići	2,18	0,00	2,18	Cijelom dužinom cesta je asfaltirana (osim na jednom dijelu gdje je sanirano klizište) i u lošem stanju sa puno oštećenja u vidu "mreže", a takođe cesta je i izlomljena na više mjesta. Kraj ceste (zadnjih 100 m) je neprohodan zbog prevelikog uspona i lošeg kolovoza.
L 035029	Lokalna cesta L 035031- Mehići - Regionalna cesta R 355	1,15	0,67	1,82	Prvih 670 m ceste je od makadama i u veoma lošem stanju (neprohodan). Asfaltirani dio ceste je dobar sa manjim oštećenjima i jednim saniranim klizištem u Mehićima.
L 035030	Orahovica Gornja (Sastavci, Lokalna cesta L 035031) - Brđani - Regionalna cesta R 355	1,47	0,00	1,47	Cijela cesta je sa asfaltnim kolovoznim zastorom u dobrom stanju sa manjim oštećenjima u vidu "mreže" i "otkinutih" rubova kolovoza te jedno oštećenje kod mezarja izazvano klizištem.

L 035031	Orahovica Gornja (Sastavci, Lokalna cesta L 035032) - Moranjci Gornji (do granice područja grada)	0,00	1,47	1,47	Cijelom dužinom cesta je od makadama, u izuzetno lošem stanju, sa puno udarnih rupa.
L 035032	Orahovica Donja (Regionalna cesta R 355) - Rašljeva (Lokalna cesta L 035033)	1,15	2,89	4,04	Prvih 2,10 km je makadam u veoma lošem stanju sa puno udarnih rupa, a ostatak makadama do asfaltiranog dijela ceste je u boljem stanju sa manje udarnih rupa. Asfaltirani dio ceste je sa puno oštećenja u vidu "mreže", a na stacionaži 2,90 km je oštećenje koje su uzrokovale oborinske vode. Na stacionaži 3,64 km je prekid asfalta u dužini od 150 m.
L 035033	Orahovica Donja (Magistralna cesta M 112) - Rašljeva - Seona (do granice područja grada)	6,24	0,00	6,24	Cijelom dužinom cesta je asfaltirana, i prije nekoliko godina sanirana su sva oštećenja izazvana klizištima, međutim pojavila su se nova oštećenja kolovoza usljed aktivacije postojećih i pojave novih klizišta. Osim oštećenja klizištem ima puno oštećenja u vidu "mreže" i "odlomljenih" rubova ceste. Na usponima oborinske vode su isprale posipni materijal sa bankina i isti se na puno mjesta nalazi na kolovozu.
L 035034	Kamenica (Magistralna cesta M 112) - Bajiči - Obruč - Rijeka (Regionalna cesta R 355)	2,77	0,00	2,77	Cijelom dužinom asfaltirana cesta. Na prvih 300 m imaju dva veće oštećenje ceste izazvana tonjenjem terena. Na stacionaži 2,4 km ugrožen put zbog padanja potpornog zida. Takođe i na stacionaži 2,70 km kod mosta oštećena cesta jer je rijeka tekla preko ceste.
L 035035	Orahovica Donja (Lokalna cesta L 035034) - Makovci	1,62	0,00	1,62	Cesta cijelom dužinom asfaltirana. Prvih 300 m u lošijem stanju uz jedno veće oštećenje na stacionaži 0,10 km (sanirano klizište a cesta nije) i jedno manje oštećenje na stacionaži 0,25 km. Ostatak u dobrom stanju uz nekoliko manjih oštećenja u vidu "mreže".
L 035036	Orahovica Donja (Magistralna cesta M 112) - Turkovići	1,96	0,00	1,96	Asfaltirana cesta cijelom dužinom u dobrom stanju. Postoji nekoliko manjih oštećenja u vidu "mreže" i ulegnuća zbog loše podloge. Na usponima oborinske vode su isprale posipni materijal sa bankina i isti se na puno mjesta nalazi na kolovozu.
L 035037	Orahovica Donja (Magistralna cesta M 112) - Petrovo (do mosta)	0,90	0,00	0,90	Cesta asfaltirana cijelom dužinom. Sanirana su oštećenja kolovoza, ali prilično loše jer sanirani dijelovi nisu u nivou sa postojećim asfaltom.

L 035038	Miričina (Magistralna cesta M 112) - Brdo - Omerbašići (Lokalna cesta L 035033)	0,64	2,61	3,25	Prvih 300 m ceste je sa asfaltnim kolovozom u dobrom stanju sa dva oštećenja (slijeganje podloge), a zatim slijedi 200 m novijeg asfalta bez oštećenja. Ostatak ceste je makadam, u boljem stanju nego prošle godine ,ali mjestimično ima udarnih rupa na ravnim dijelovima i ispranog posipnog materijala na usponima. Posljednjih 140 m je nov asfalt urađen 2019. godine
L 035039	Miričina (Magistralna cesta M 112) - Miričina Gornja	3,20	0,70	3,90	Prvih 500 m cesta sa starim asfaltnim kolovoznim zastorom u veoma lošem stanju. U nastavku ceste je noviji asfalt u dobrom stanju, a onda ponovo od stacionaže 2,20 km pa do makadamskog dijela ceste je stari asfalt u veoma lošem stanju. Makadamski dio ceste je u lošem stanju zbog velikog uspona i posipni materijal je veoma teško zadržati na kolovozu.
L 035040	Miričina (Magistralna cesta M 112) - Škola - Željeznička stanica - Miričina (Magistralna cesta M 112)	1,63	0,00	1,63	Do stacionaže 1,50 km je kolovoz sa asfaltnim zastorom u dobrom stanju (ima malih oštećenja u vidu "mreže"). U nastavku je cca 90 m novog asfalta iz 2020. godine, a ostatak do kraja ceste je stari prijeratni asfalt.
Ukupno lokalnih cesta:		106,48	28,39	134,87	

Tabela 3: Stanje ulica u MZ Gračanica

Oznaka ulice	Naziv ulice opis trase (od - do)	Asfalt (km)	Makadam (km)	Ukupno (km)	Stanje ulice
UL 035001	Ulica Alije Izetbegovića (od Sahat-kule do bivše prodavnice "Šipad")	0,32	0,00	0,32	Ulica je popločana i ima puno oštećenja, naročito slivnih rešetaka i kanalica za odvodnju oborinskih voda te opločnika uz kanalice.
UL 035002	Ulica Ahmet-paše Budimlije (od Skvera do Potočkog harema)	0,19	0,00	0,19	Ulica asfaltirana u dobrom stanju. Na jednom mjestu trotoar oštećen.
UL 035003	Ulica 22. divizije (od Potočkog harema do Petospratnice)	0,39	0,00	0,39	Ulica asfaltirana u dobrom stanju. Pored centralnog parka trotoar u lošem stanju.
UL 035004	Ulica Kej - Fridriha Faglara (od Petospratnice do Skvera)	0,48	0,00	0,48	Ulica asfaltirana u dobrom stanju.
UL 035005	Gračanički Skver	0,07	0,00	0,07	Ulica asfaltirana u dobrom stanju.
UL 035006	Prolaz Romea Planjara (od ulice Alije Izetbegovića do ulice Kej - Fridriha Faglara)	0,06	0,00	0,06	Ulica asfaltirana u dobrom stanju. Stepenište koje povezuje Prolaz sa ulicom Alije Izetbegovića u lošem je stanju.

UL 035007	Ulica Džemala Bijedića (od ulice Alije Izetbegovića do ulice Kej - Fridriha Foglara)	0,04	0,00	0,04	Ulica popločana u dobrom stanju
UL 035008	Pekarski prolaz (od ulice Gradašćevića do iza bivše robne kuće)	0,08	0,00	0,08	Ulica u dobrom stanju - popločana 2019. godine.
UL 035009	Ulica Gradašćevića (od ulice Alije Izetbegovića do ulice Kej - Fridriha Foglara)	0,05	0,00	0,05	Ulica popločana 2019. godine u dobrom stanju.
UL 035010	Ulica 111. Gračaničke brigade (od BKC-a pored rukometnog igrališta do Bosanske ulice)	0,33	0,00	0,33	Ulica asfaltirana u dobrom stanju.
UL 035011	Ulica Mula Mustafe ili Bašeskijina ulica (od ulice Armije RBiH pored zgrade Općine i ponovo izlazi na ulice Armije RBiH)	0,28	0,00	0,28	Ulica asfaltirana u dobrom stanju. Dio ulice asfaltiran 2020. godine - od regionalne ceste do zgrade Gradske uprave i ispred zgrade Gradske uprave.
UL 035012	Ulica Čiriš (od ulice Kapetanuša do ulice Lipa)	0,40	0,00	0,40	Ulica u dobrom stanju. Asfaltirana 2019. godine., komplet osim prvih tridesetak metara gdje ostao stari asfalt.
UL 035013	Ulica Mustafe Rešidbegovića (od kovačnice Taletovića do ulice Kapetanuša)	0,37	0,00	0,37	Ulica asfaltirana u dobrom stanju, osim na jednom mjestu, iznad pošte (u toku je postupak javne nabavke za sanaciju oštećenja).
UL 035014	Ulica 25. maja (od ulice Šemsekadića do ulice Čiriš)	0,10	0,00	0,10	Ulica asfaltirana u dobrom stanju.
UL 035015	Ulica Muse Ćazima Ćatića (od ulice Čiriš preko Griča do kovačnice Taletovića)	0,39	0,00	0,39	Ulica asfaltirana u dobrom stanju.
UL 035016	Ulica Gornji Čiriš (od ulice Čiriš kod džamije preko groblja Šabuša i Režići gdje se spaja sa Mula Dedinom)	0,45	0,00	0,45	Ulica u dobrom stanju. U dijelu ulice gdje je urađena fekalna i oborinska kanalizacija izvršeno je asfaltiranje kompletne ulice 2019. godine. Asfaltirano 180 m.
UL 035017	Kapetanuša prolaz (od ulice Šemsekadića do ulice Čiriš)	0,05	0,00	0,05	Pješački prolaz - stepenište u dobrom stanju.
UL 035018	Ulica Patkovača (od ulice Lipa do ulice Gornji Čiriš)	0,24	0,00	0,24	Ulica asfaltirana u dobrom stanju.
UL 035019	Ulica Vedada Đonlića (od ulice Mustafe Rešidbegovića do ulice Muse Ćazima Ćatića)	0,12	0,00	0,12	Ulica asfaltirana u dobrom stanju.
UL 035020	Malkića Sokak (od ulice Čiriš do ulice Gornji Čiriš)	0,10	0,00	0,10	Ulica asfaltirana u dobrom stanju (asfaltirano 2016. godine).

UL 035021	Ulica Bulakovac (od raskrsnice na Režićima do ulice Braće Fazlić)	0,84	0,00	0,84	Ulica asfaltirana u dobrom stanju. (Kraj ulice asfaltiran 2018. godine, 260,0 m)
UL 035022	Ulica Drenovac (od raskrsnice na Režićima prema Lendićima)	1,29	0,00	1,29	Ulica asfaltirana u dobrom stanju. Ima manjih oštećenja u vidu "mreže".
UL 035023	Ulica Lipa (od Šumske uprave pored Lipljanske džamije do ulice Patriotske lige)	0,96	0,00	0,96	Ulica asfaltirana u dobrom stanju. Ima nekoliko manjih oštećenja. Oštećenje kod "mrtvare" sanirano 2019. godine..
UL 035024	Ulica Mladih Muslimana (od ulice Mehmeda Ahmetbegovića kod Šarene džamije do ulice Lipa)	0,09	0,00	0,09	Ulica asfaltirana u dobrom stanju.
UL 035025	Ulica Mejdan Džedid - Sokak (od ulice Mladih Muslimana do Obdaništa)	0,11	0,00	0,11	Ulica asfaltirana u dobrom stanju.
UL 035026	Mula - Dedina ulica (od ulice Lipa pored šehida Mula Dede do groblja Režići)	0,44	0,00	0,44	Ulica asfaltirana u dobrom stanju.
UL 035227	Ulica Drijenča (od ulice Lipa prema Drijenči i kućama Đulića)	0,35	0,00	0,35	Ulica asfaltirana u dobrom stanju.
UL 035028	Ulica Gajevi (od mosta na Drijenči do Lendića)	0,45	0,00	0,45	Ulica asfaltirana u dobrom stanju.
UL 035029	Vakufska ulica (od ulice Lipa pored Lipljanske džamije)	0,12	0,00	0,12	Ulica asfaltirana u dobrom stanju.
UL 035030	Ulica Tuleg (od ulice Lipa kod vode Tuleg do Mula-Dedine)	0,07	0,06	0,13	Asfaltirani dio je u dobrom stanju (ima jedno oštećenje nastalo prilikom gradnje kuće), a makadamski dio je loš (veliki uspon).
UL 035031	Ulica Majdan (od ulice Lipa preko Majdana do ulice Mula-Dedine)	0,21	0,00	0,21	Ulica asfaltirana u dobrom stanju.
UL 035032	Ulica Sejde Đulića (od ulice Mehmeda Ahmetbegovića iznad Mrtvare do ulice Lipa)	0,29	0,00	0,29	Ulica asfaltirana u lošem stanju, pogotovo drugi dio ulice.
UL 035033	Obučarska ulica (od ulice Mehmeda Ahmetbegovića pored starog "Olimpa" do zadnjih kuća)	0,10	0,00	0,10	Ulica asfaltirana u dobrom stanju.
UL 035034	Ulica Šehitluci (od ulice Mula-Dedina do zadnjih kuća)	0,04	0,21	0,25	Makadamska ulica u dobrom stanju. Početak ulice asfaltiran (40 m) 2018. godine.
UL 035035	Ulica Džemala Sumana (od ulice Lipa do zadnjih kuća)	0,05	0,00	0,05	Ulica asfaltirana u dobrom stanju.

UL 035036	Ulica Patriotske lige (od Doma zdravlja pored Štamparije do Korića Hana)	0,40	0,00	0,40	Izvršena je sanacija oštećenja (osim nekoliko oštećenja ispod Doma zdravlja) ali ulica je "zrela" za ozbiljniju rekonstrukciju, pogotovo dio od Stadiona do raskrsnice na Korića Hanu..
UL 035037	Ulica Taksima Šuše (od ulice Patriotske lige do mosta na Drijenči)	0,13	0,00	0,13	Ulica asfaltirana u dobrom stanju.
UL 035038	Viteška ulica (od ulice Patriotske lige do Sokoluše)	0,17	0,00	0,17	Ulica asfaltirana u dobrom stanju.
UL 035039	Ulica Kula (od ulice Patriotske lige do ulice Gajevi)	0,24	0,26	0,50	Asfaltirani dio ulice je u dobrom stanju, a makadamski je loš (oborinske vode isperu posipni materijal).
UL 035040	Ulica Branka Vajića (od ulice Patriotske lige pored Sportske dvorane)	0,17	0,16	0,33	Asfaltirani i makadamski dio ulice su u dobrom stanju.
UL 035041	Šehidska ulica (od ulice Imamovića sokak do raskrsnice na Korića Hanu)	0,18	0,00	0,18	Ulica asfaltirana u dobrom stanju. Na kraju ulice je zaštopana poprečna slivna rešetka koju treba osposobiti za odvodnju oborinskih voda i sanirati oštećenja.
UL 035042	Imamovića sokak (od ulice Patriotske lige do ulice Šehidska)	0,16	0,10	0,26	Prvih 160 m je asfaltirano. 120,0 m je asfaltirano 2018. godine a ostatak asfalta je u lošem stanju. Makadamski dio je u dobrom stanju.
UL 035043	Ulica Hajrudina Džebe - Bajbage (od raskrsnice na Korića Hanu do ulice Branilaca grada)	1,05	0,00	1,05	Ulica asfaltirana u dobrom stanju. Ima manjih oštećenja u vidu "mreže" i nekoliko odarnih rupa koje treba sanirati.
UL 035044	Ulica Lipinac (od raskrsnice na Korića Hanu do ulice Branilaca grada)	0,40	0,00	0,40	Ulica asfaltirana u dobrom stanju. Ima manjih oštećenja koje bi trebalo sanirati.
UL 035045	Sprečanski put (nastavak ulice Lipinac sa druge strane ulice Branilaca grada prema rijeci Spreči)	0,19	0,27	0,46	Asfaltirani dio ulice je u dobrom stanju a makadamski je dobar.
UL 035046	Ulica Lejlekuša (od ulice Gračaničkih gazija, trasom stare uskotračne pruge do zadnjih kuća)	0,29	0,13	0,42	Asfaltirani i neasfaltirani dio ulice je u dobrom stanju.
UL 035047	Ulica Šenik (od ulice Gračaničkih gazija - kod Etivaže, prolazi pored „Olimpa“ i vodi do Šeničkog bunara)	0,70	0,00	0,70	Asfaltirana ulica cijelom dužinom i u dobrom stanju. Ima manjih oštećenja.
UL 035048	Ulica Polje (od ulice Gračaničkih gazija, kod mosta, do rijeke Spreče)	1,22	0,00	1,22	Ulica asfaltirana u dobrom stanju.

UL 035049	Ulica Stara Pruga (od ulice Branilaca grada do starog Karanovačkog mosta)	1,01	0,00	1,01	Ulica asfaltirana u dobrom stanju.
UL 035050	Ulica Grabovac (dvije kraće ulice u naselju Grabovac)	0,25	0,18	0,43	Prva asfaltirana 2017. godine a druga ostao makadam i u dobrom je stanju.
UL 035051	Ulica Gračaničkih gazija (od Korića Hana pored Etivaže do ulice Zlatnih ljiljana)	0,72	0,00	0,72	Ulica asfaltirana u dobrom stanju. Nakon asfaltiranja više pute prokopavana i mjestimično nije dobro sanirama.
UL 035052	Ulica Branilaca kule grada (od ulice Zlatnih ljiljana, starim putem za Tuzlu do ulice Branilaca grada)	1,18	0,00	1,18	Ulica asfaltirana u dobrom stanju. (Ima mjestimično oštećenja u vidu "mreže")
UL 035053	Ulica Majke Bošnjakinje (prva ulica lijevo koja se odvaja od ulice Branilaca kule grada do zadnjih kuća)	0,19	0,07	0,26	Asfaltirani i neasfaltirani dio ulice je u dobrom stanju.
UL 035054	Ulica Hajdarevac (druga ulica lijevo koja se odvaja od ulice Branilaca kule grada do ulice Ahmetaši)	0,44	0,00	0,44	Ulica asfaltirana u dobrom stanju.
UL 035055	Ulica Ahmetaši (treća ulica lijevo koja se odvaja od ulice Branilaca kule grada do ulice Hajdarevac)	0,27	0,00	0,27	Ulica asfaltirana u dobrom stanju.
UL 035056	Ulica Danka Grlića (prva poprečna ulica na Hajdarevcu od ulice Majke Bošnjakinje do ulice Ahmetaši)	0,32	0,00	0,32	Ulica asfaltirana u dobrom stanju.
UL 035057	Ulica Muhameda Tajiba Okića (druga poprečna ulica na Hajdarevcu od ulice Majke Bošnjakinje do ulice Ahmetaši)	0,36	0,00	0,36	Ulica asfaltirana u dobrom stanju.
UL 035058	Ulica Samuela Elezera (od ulice Branilaca kule grada, pored jevrejskog groblja do prevoja na Stjepanovcu)	0,50	0,00	0,50	Ulica asfaltirana u dobrom stanju. Asfaltirano 2016. godine
UL 035059	Ulica Bosanskih kraljeva (od Skvera do mosta "Rampa")	0,53	0,00	0,53	Ulica asfaltirana u dobrom stanju. Od novosagrađene stabene zgrade do mosta "Rampa" prokopana ulica, sanirano tamponom i uskoro će biti asfaltirano.
UL 035060	Ulica Ritašići (od ulice Bosanskih kraljeva do vrha Ritašića i desno kod vode do ulice Donji Ritašići)	0,72	0,00	0,72	Ulica asfaltirana u dobrom stanju.

UL 035061	Ulica Drama (od ulice Ritašići do prevoja na Stjepanovcu)	0,54	0,00	0,54	Ulica asfaltirana u dobrom stanju.
UL 035062	Ulica Donji Ritašići (odvaja se od ulice Ritašići i sa istom se ponovo spaja na drugom kraju)	0,44	0,00	0,44	Ulica asfaltirana u dobrom stanju.
UL 035063	Breučka ulica (odvaja se od ulice Donji Ritašići i vodi do zadnjih kuća)	0,08	0,16	0,24	Asfaltirani i neasfaltirani dio ulice je u dobrom stanju.
UL 035364	Ulica Vuknić (odvaja se od ulice Donji Ritašići i vodi do zadnjih kuća)	0,36	0,00	0,36	Ulica asfaltirana u dobrom stanju, ima manjih oštećenja.
UL 035065	Ulica Bašče (odvaja se od ulice Ritašići i sa istom se ponovo spaja na drugom kraju)	0,25	0,00	0,25	Ulica asfaltirana u dobrom stanju.
UL 035066	Malezijska ulica (od ulice Ritašići kod kovačnice Šakovića do ulice Donji Ritašići)	0,19	0,00	0,19	Ulica asfaltirana u dobrom stanju.
UL 035067	Riječka ulica (od Poslovnog centra "Evropa" pored mosta "Rampa" i Vatrogasnog doma vodi do zadnjih kuća)	0,69	0,00	0,69	Ulica asfaltirana u dobrom stanju. Kod mosta "Rampa" vršeno je prokopavanje ulice, sanirano tamponom i uskoro će biti asfaltirano.
UL 035068	Ulica Podastrana (od ulice Bosanskih kraljeva do ulice Riječka)	0,10	0,00	0,10	Ulica u dobrom stanju, asfaltirana 2019. godine.
UL 035069	Ulica Mehmeda Spahe (od ul. Riječka pored Vatrogasnog doma do zadnjih kuća)	0,29	0,00	0,29	Ulica asfaltirana u dobrom stanju.
UL 035070	Ulica Stubo (od ulice Ahmet-paše Budimlije do "Vode" gdje se spaja sa ulicom Stubljanska strana)	0,23	0,00	0,23	Ulica asfaltirana u dobrom stanju. Oštećenja sanirana 2017. godine, ali ima još oštećenja koja bi trebalo sanirati.
UL 035071	Ulica Muhameda Seida Mašića (od ulice Bosanskih kraljeva do ulice Stubo)	0,17	0,00	0,17	Ulica asfaltirana u dobrom stanju. Ima manjih oštećenja.
UL 035072	Kovačka ulica (od ulice Bosanskih kraljeva kod Doma penzionera do ulice Stubljanska strana)	0,14	0,00	0,14	Ulica asfaltirana u dobrom stanju. Asfaltirano 2018. godine.
UL 035073	Ulica Stubljanska strana (od ulice Bosanski kraljeva do "Vode" gdje se spaja sa ulicom Stubo)	0,22	0,00	0,22	Ulica asfaltirana u dobrom stanju.

UL 035074	Ulica Dudić (od ulice Stubo vodi prema Hurijama)	0,29	0,16	0,45	Prvi dio asfaltiranog dijela je sa manjim oštećenjima, a drugi dio je sa znatnijim oštećenjima. Makadamski dio je loš. Ove godine planirano je da se asfaltira ostatak ulice.
UL 035075	Ulica Potok - Mahala (od ulice Ahmet-paše Budimlije do ulice Crni put)	0,34	0,00	0,34	Ulica asfaltirana u dobrom stanju. Ima manjih oštećenja u vidu "mreže".
UL 035076	Crni put (od ulice Potok - Mahala do greblja Mednica)	0,81	0,00	0,81	Ulica asfaltirana u dobrom stanju.
UL 035077	Ulica Seljanuša (od greblja Mednica do kraja naselja Soljanuša)	1,34	0,00	1,34	Ulica asfaltirana u dobrom stanju, ima manjih oštećenja. Kod mezarja "Mednica" klizište oštetilo cestu.
UL 035078	Ulica Mejdanić (od ulice 22. Divizije do ulice Ibrahimbega Pašića i ulice Muslimanskih brigada)	0,10	0,00	0,10	Ulica asfaltirana u dobrom stanju.
UL 035079	Ulica Ibrahim bega Pašića (od ulice Mejdanić i ulice Muslimanskih brigada do potoka Japaga)	0,32	0,00	0,32	Ulica asfaltirana u dobrom stanju.
UL 035080	Ulica Muslimanskih brigada (od ulice Mejdanić i ulice Ibrahimbega Pašića do ulice Hadži kadijina)	0,23	0,00	0,23	Asfaltirana ulica u dobrom stanju.
UL 035081	Ulica Ahmeta Šiljića (od ulice 22. Divizije kod Medrese do ulice Ibrahimbega Pašića)	0,17	0,00	0,17	Ulica asfaltirana u dobrom stanju (asfaltirano 2016. godine).
UL 035082	Ulica Adema Alića (od ulice 22. Divizije kod bivše zgrade Vodovoda do zadnjih kuća)	0,16	0,00	0,16	Ulica asfaltirana u dobrom stanju.
UL 035083	Ulica Hazima Vikala (od ulice 22. Divizije kod Asa do ulice Hadži kadijina)	0,17	0,00	0,17	Ulica asfaltirana u dobrom stanju.
UL 035084	Ulica Trepanići (od ulice Bosanska do raskršća ulicom Hadži Halil ef. Gračanlije i ulice Hadži kadijina)	0,27	0,00	0,27	Ulica asfaltirana u dobrom stanju. Ima manjih oštećenja koje bi trebalo sanirati.
UL 035085	Ulica Gojsalići (od ulice Hadži Halil ef. Gračanlije kod Drafničke džamije do zadnjih kuća)	0,15	0,00	0,15	Ulica asfaltirana u dobrom stanju.
UL 035086	Ulica Alije Đerzeleza (od ulice Hadži Halil ef. Gračanlije kod Drafničke džamije do ulice Drafnići kod Doma kulture)	0,20	0,00	0,20	Ulica asfaltirana u dobrom stanju (asfaltirano 2016. godine).

UL 035087	Ulica Derva (od ulice Drafnici kod Doma kulture, pored vode Derva do zadnjih kuća)	0,44	0,22	0,66	Asfaltirani i neasfaltirani dio ulice je u dobrom stanju.
UL 035088	Ulica Kamenita voda (od ulice Drafnici pored Kamenite voda prema Bijelim poljima)	0,53	0,31	0,84	Asfaltirani dio ulice je u dobrom stanju, a neasfaltirani dio ulice je u lošem stanju.
UL 035089	Ulica Mustajbašići (od ulice Drafnici do ulice Kamenita voda)	0,22	0,00	0,22	Ulica u dobrom stanju, asfaltirana 2018. godine.
UL 035090	Bosanska ulica (od ulice Armije RBiH do ulice Varoš i ulice Hermana Gmeinera)	0,38	0,00	0,38	Ulica asfaltirana u dobrom stanju, ima manjih oštećenja.
UL 035091	Ulica Varoš (od ulice Podgaj do ulice Bosanska i ulice Hermana Gmeinera)	0,25	0,00	0,25	Ulica asfaltirana u dobrom stanju, ima manjih oštećenja.
UL 035092	Ulica Todora Panića (od ulice Varoš - Bosanske kuće do spoja sa ulicom Varoš)	0,13	0,16	0,29	Asfaltirani i neasfaltirani dio ulice je u dobrom stanju.
UL 035093	Ulica Varoški potok (od ulice Armije RBiH do ulice Varoš)	0,12	0,08	0,20	Ulica je asfaltirana i u dobrom stanju. Posljednjih 75 m asfaltirano je 2019. godine.
UL 035094	Ulica Hermana Gmeinera (od ulice Varoš do zadnje kuće Halilovića)	0,78	0,00	0,78	Ulica je u dobrom stanju
UL 035095	Ulica Bijela Polja (od ulice Hermana Gmeinera do ulice Drafnici)	0,25	1,28	1,53	Asfaltirani dio je u dobrom stanju. Makadam, ima dobrih i loših dionica.
UL 035096	Ulica Civilnih žrtava rata (od ulice Hermana Gmeinera iznad pravoslavnog groblja u pravcu Bijelih Polja)	0,00	0,28	0,28	Makadam u lošem stanju.
UL 035097	Ulica Podgaj (od ulice Armije RBiH prema naselju Podgaj do zadnjih kuća)	0,26	0,00	0,26	Ulica asfaltirana u dobrom stanju.
UL 035098	Podrinjska ulica (od ulice Podgaj do Doma na Gaju)	0,42	0,00	0,42	Ulica asfaltirana u dobrom stanju.
UL 035099	Ulica Kotoruša (od ulice Armije RBiH pored vode Kotoruše do ulice Kulina Bana)	0,56	0,00	0,56	Prvih 300 m je dobar, nov asfalt iz 2016. godine, a ostatak je stari asfalt u dobrom stanju sa manjim oštećenjima.
UL 035100	Ulica Mihajla Hadžistevića (od ulice Armije RBiH do zgrade "Hadžistevići")	0,09	0,00	0,09	Ulica asfaltirana u dobrom stanju.

UL 035101	Ulica Kulina Bana (od ulice Brčanska malta kod benzinske pumpe "SAX" do ul. 212. oslobodilačke brigade)	0,58	0,00	0,58	Ulica asfaltirana komplet. Posljednjih 440 m asfaltirano 2018. godine.
UL 035102	Lukavički sokak (od ulice Brčanska malta kod benzinske pumpe "SAX" do zadnjih kuća)	0,08	0,24	0,32	Asfaltirani i neasfaltirani dio ulice je u dobrom stanju.
UL 035103	Ulica Pašalići (od ulice Sokogradska cesta pored groblja u Pašalićima do Škahovice)	0,36	0,41	0,77	Prvih 360 m je nov asfalt (2016. godina), ostatak makadam u dobrom stanju.
UL 035104	Ulica Podlepar (vodi desno od ulice Brčanska malta kod Benzinske pumpe)	0,11	0,14	0,25	Makadamski dio ulice je u dobrom stanju. 110 m asfaltirano 2019. godine (širina kolovoza 5,0 m)
UL 035105	Ulica Bazen (od ulice 212. oslobodilačke brigade oko zgrada na Bazenu ponovo do ulice 212. oslobodilačke brigade)	0,32	0,00	0,32	Ulica asfaltirana u dobrom stanju, ima manjih oštećenja.
UL 035106	Ulica Javor (od ulice 212. oslobodilačke brigade do ulice Klobodanovića)	0,35	0,00	0,35	Ulica asfaltirana oštećena prolaskom teških kamiona, ali isječeni su oštećeni dijelovi i uskoro će se izvršiti sanacija asfaltiranjem.
UL 035107	Ališevića ulica (od ulice 212. oslobodilačke brigade do zadnjih kuća - prva ulica u novom naselju iznad Bazena)	0,00	0,26	0,26	Makadam u dobrom stanju. Ove godine se treba safaltirati (provedena procedura i odabran izvođač).
UL 035108	Ulica Gornji Javor (od ulice 212. oslobodilačke brigade do čitaonice u Javoru)	0,27	0,20	0,47	Asfaltirani i neasfaltirani dio ulice je u dobrom stanju sa manjim oštećenjima. Prvih 90 m ulice asfaltirano 2019. godine.
UL 035109	Ulica Klobodanovića (od ulice 212. oslobodilačke brigade do ulice Osmana Mehića-Tucka)	0,35	0,00	0,35	Ulica asfaltirana u dobrom stanju, ima manjih oštećenja.
Ukupno ulica na području grada Gračanica		36,81	5,34	42,15	

ZAKLJUČNA RAZMATRANJA I PRIJEDLOZI MJERA

Osnova za izradu informacije bila je Odluka o kategorizaciji lokalnih cesta i ulica u gradu Tuzla i općinama Tuzlanskog kantona (Službenenovine TK broj: 14/14) i podaci o stanju pojedinih cesta i ulica prikupljeni prilikom obilaska.

Pošto je u vrijeme izrade Odluke o kategorizaciji lokalnih cesta i ulica u gradu Tuzla i općinama Tuzlanskog kantona bila važeća i Odluka o razvrstavanju cesta u autoceste i brze ceste, magistralne ceste i regionalne ceste, u opisu lokalnih cesta i ulica (naročito početka i kraja ceste/ulice) korištene su nove oznake za magistralne i regionalne ceste, a ista je u međuvremenu stavljena van snage.

Stavljanjem van snage Odluke o razvrstavanju cesta u autoceste i brze ceste, magistralne ceste i regionalne ceste, cesta Gračanica-Malešići-Lukavica izgubila je status regionalne ceste II reda tako da je ona sada nerazvrstana. Krajem marta prošle godine Ministarstvu trgovine, turizma i saobraćaja Tuzlanskog kantona uputili smo zahtjev za prekategorizaciju navedene ceste kako bi ista ponovo dobila status regionalne ceste.

Što se tiče stanja u kojem su pojedine ceste nađene, sve što je karakteristično za pojedinu cestu evidentirano je u tabelama. Zajedničko za većinu cesta je sljedeće:

- Magistralne i regionalne ceste, uglavnom imaju uredno postavljenu saobraćajnu signalizaciju (vertikalnu i horizontalnu) i ona se prilično dobro održava;
- Lokalne ceste nemaju saobraćajnu signalizaciju;
- Ulice u MZ Gračanica su djelimično opremljene saobraćajnom signalizacijom (Projekat horizontalne i vertikalne saobraćajne signalizacije na području MZ Gračanica je završen i ove godine će se otpočeti sa postavljanjem saobraćajne signalizacije u skladu sa Projektom);
- Održavanje makadamskih cesta je otežano i uglavnom se svodi na posipanje posipnim materijalom koji brzo odnesu oborinske vode koje teku kolovozom (naročito na usponima i padovima) jer kanali i propusti ostaju neočišćeni, a živice neiskrčene;
- Kod cesta sa asfaltnim kolovoznim zastorom održavanje se svodi samo na saniranje udarnih rupa (i to nije temeljito i blagovremeno) dok se rigoli, kanali i propusti ne čiste, a živice ne krče. Još uvijek je prisutan određeni broj nesanimiranih klizišta i odrona zemljišta koji su oštetili ceste.
- U posljednje vrijeme učestale su i vremenske nepogode sa obilnom kišnim padavinama usljed čega dolazi do pojave bujičnih voda koje dodatno uništavaju cestovnu infrastrukturu, naročito makadamske ceste.

Gore navedene nedostatke teško je u potpunosti otkloniti, ali je moguće određenim mjerama ublažiti njihov negativni efekat. Neke od tih mjera bile bi sljedeće:

- Projekat horizontalne i vertikalne saobraćajne signalizacije na području MZ Gračanica je završen i od ove godine počinje se sa postavljanjem saobraćajne signalizacije u skladu sa Projektom (izvođač se treba uvesti u posao);
- Za ovu godinu osigurana su sredstva u iznosu od 25.000,00 KM, a za izradu kompletne horizontalne i vertikalne saobraćajne signalizacije u MZ Gračanica potrebno je prema predračunu iz Projekta preko 210.000,00 KM sa PDV-om (što treba uvećati najmanje za 20-30% zbog naglog rasta cijena od početka ove godine).
- U nekom narednom budžetu treba planirati novčana sredstva za izradu projekta saobraćajne signalizacije na lokalnim cestama na području grada Gračanica kako bi se i tamo, u skladu sa mogućnostima, otpočelo sa postavljanjem saobraćajne signalizacije jer bez projekta to nije moguće;
- U posljednjoj fazi treba uraditi i projekat saobraćajne signalizacije na prometnijim nerazvrstanim javnim cestama na području grada i takođe u skladu sa mogućnostima početi sa postavljanjem saobraćajne signalizacije u skladu sa urađenim projektom;
- Za početak postaviti horizontalnu i vertikalnu signalizaciju bar na kritičnim mjestima kao što su škole, opasne krivine, suženja kolovoza itd. Jedan dio je već urađen (Druga osnovna škola u Gračanici, Osnovna škola u Malešićima, Područna osnovna škola u Pribavi) i nastaviće se sa ovim aktivnostima i u ostalim mjesnim zajednicama gdje to bude neophodno.

- Ove godine je okončan i Elaborat za postavljanje posebnih objekata na cesti radi smanjenja brzine kretanja vozila na području grada Gračanica u pet mjesnih zajednica, pored osnovnih škola. Po predmjeru i predračunu koji smo dobili uz Elaborat potrebno je nešto manje od 42.000,00 KM a u ovogodišnjem budžetu je planirano nešto više od 20.000,00 KM, pa je potrebno ili osigurati dodatna sredstva kroz rebalans ili odabrati koje će se mjesne zajednice raditi u ovoj prvoj fazi.
- Ceste sa makadamom prilikom posipanja nivelirati tako da imaju veći poprečni nagib kolovoza kako bi oborinske vode najkraćim putem došle do kanala koji trebaju biti očišćeni, kao i propusti na mjestim gdje je vodu neophodno propustiti ispod kolovoza.
- Udarne rupe i oštećenja u vidu "mreže" na cestama sa asfaltnim kolovoznim zastorom važno je blagovremeno locirati i kvalitetno sanirati kako nebi došlo do većih oštećenja. U tom pravcu treba planirati i veća sredstva za održavanje puteva u gradu i mjesnim zajednicama.